

त्वं । सोम । महे । भगं । त्वं । यूने । ऋतुऽयते । दक्षं । दधासि । जीवसे ॥
 त्वं । नः । सोम । विश्वतः । रक्ष । राजन् । अघऽयतः । न । रिषेत् । त्वाऽवतः । सखा ॥
 सोम । याः । ते । मयऽभुवः । ऊतयः । संति । दाशुषे । ताभिः । नः । अविता । भव ॥
 इमं । यज्ञं । इदं । वचः । जुजुषाणः । उपऽआगहि । सोम । त्वं । नः । वृधे । भव ॥ २० ॥
 सोम । गीऽभिः । त्वा । वयं । वर्धयामः । वचऽविदः । सुऽमृच्छीकः । नः । आ । विश् ॥
 गयऽस्फानः । अमीवऽहा । वसुऽवित् । पुष्टिऽवर्धनः । सुऽमित्रः । सोम । नः । भव ॥
 सोम । रंधि । नः । हृदि । गावः । न । यवसेषु । आ । मर्यैऽइव । स्वे । ओक्ये ॥
 यः । सोम । सख्ये । तव । ररणत् । देव । मर्यैः । तं । दक्षः । सचते । कविः ॥
 उरुष्य । नः । अभिऽशस्तेः । सोम । नि । पाहि । अंहसः । सखा । सुऽशेवः । एधि । नः ॥ २१ ॥
 आ । प्यायस्व । सं । एतु । ते । विश्वतः । सोम । वृषायं । भव । वाजस्य । संऽगथे ॥
 आ । प्यायस्व । मदिन्ऽतम । सोम । विश्वेभिः । अंशुऽभिः । भव । नः । सुश्रवऽतमः । सखा । वृधे ॥
 सं । ते । पयांसि । सं । ऊं । यंतु । वाजाः । सं । वृषयानि । अभिमातिऽसहः ।
 आऽप्यायमानः । अमृताय । सोम । दिवि । श्रवांसि । उत्ऽतमानि । धिष्व ॥
 या । ते । धामानि । हविषा । यजंति । ता । ते । विश्वा । परिऽभूः । अस्तु । यज्ञं ।
 गयऽस्फानः । प्रऽतरणः । सुऽवीरः । अवीरऽहा । प्र । चर । सोम । दुर्यान् ॥
 सोमः । धेनुं । सोमः । अर्वतं । आशुं । सोमः । वीरं । कर्मण्यं । ददाति ।
 सदन्यं । विदथ्यं । सभेयं । पितृऽश्रवणं । यः । ददाशत् । अस्मै ॥ २२ ॥
 अषाढं । युतऽसु । पृतनासु । पप्रि । स्वऽसां । अप्सां । वृजनस्य । गोपां ।
 भरेषुऽजां । सुऽक्षितिं । सुऽश्रवसं । जयंतं । त्वां । अनु । मदेम । सोम ॥
 त्वं । इमाः । ओषधीः । सोम । विश्वाः । त्वं । अपः । अजनयः । त्वं । गाः ।
 त्वं । आ । ततंथ । उरु । अंतरिक्षं । त्वं । ज्योतिषा । वि । तमः । ववर्थ ॥
 देवेन । नः । मनसा । देव । सोम । रायः । भागं । सहसाऽवन् । अभि । युध्य ।
 मा । त्वा । आ । तनत् । ईशिषे । वीर्यस्य । उभयेभ्यः । प्र । चिकित्स । गोऽइष्टौ ॥ २३ ॥

एताः । ऊं । त्याः । उषसः । केतुं । अक्रत । पूर्वे । अर्द्धे । रजसः । भानुं । अंजते ।
 निऽकृण्वानाः । आयुधानिऽइव । धृण्वः । प्रति । गावः । अरुषीः । यंति । मातरः ॥